

**Uunga siunnersuut: Aalisarsinnaanermut akuersissutit pisassiissutillu pillugit  
Namminersorlutik Oqartussat nalunaarutaat nr. xx, xx.xx. 20xx-meersoq**

Aalisarnej pillugu Inatsisartut inatsisaat nr. 18, 31. oktobari 1996-imeersumi, kingullermillu Inatsisartut inatsisaat nr. 28, 28. november 2016-imeersukkut allanngortinneqartumi § 9, imm. 1, § 10, § 10a, § 10b, imm.1, § 11, imm. 1, § 11, imm 2, § 13, imm. 2 aamma imm. 3, § 24, § 33, imm. 2 aamma § 34, imm. 3 naapertorlugit, aalajangersarneqarpoq:

*Atuuffia nassuiaatillu*

**§ 1.** Nalunaarut inuussutissarsiutigalugu aalisarnermi atuuppoq:

- 1) angallatinik Kalaallit Nunaanni nalunaarsorsimasunik,
- 2) angallatit nunanit allaneersut atorlugit Kalaallit Nunaata aalisarnikkut oqartussaaffigisaani aalisarnermi, imaluunniit
- 3) angallatit nunanit allaneersut kalaallit pisassiissutaannik Kalaallit Nunaata aalisarnikkut oqartussaaffigisaata avataani aalisarnermi.

*Imm. 2.* Nalunaarut naapertorlugu akuersissummik tunniussinermi piumasaqaataavoq qinnuteqartoq inuussutissarsiutigalugu aalisartuunissaa imaluunniit inuussutissarsiutigalugu aalisarnissamik ingerlatsilernissaa.

*Imm. 3* Angallatit usitussutsimut uuttuutaat malillugu 75 BRT imaluunniit 120 BT-mit mikinerusut taamaallaat imartami sinerissap tunngaviusumillu titarnerup aalisarnikkut oqartussaaffiup killingata 3 sømilit avataanniittup akornanni aalisarsinnaapput, tak. imm. 5 aamma imm. 5.

*Imm. 4* Angallatit usitussutsimut uuttuutaat malillugu 75 BRT imaluunniit 120 BT-tut angitigisut anginerusullu taamaallaat titarnerup aalisarnikkut oqartussaaffiup tunngaviusumik killingata 3 sømilit avataanni aalisarsinnaapput, tak. imm. 6.

*Imm. 5.* Imm. 3 saattuarniarnermi imaluunniit saarullinniarnermi atuutinngilaq.

*Imm. 6.* Imm. 3 aamma imm. 4. uiluinarniermi atuutinngillat.

*Imm. 7.* Kalaallit Nunaata aalisarnikkut oqartussaaffigisaani raajarniarfigineqarsinnaasut pillugit malittarisassat raajarniarnermi atuupput.

*Imm. 8* Nalunaarummi matumani kapisilinniarsinnaanermut imaluunniit nipisanniarsinnaanermut akuersissut ilaanningilaq. Kapisilinniarsinnaanermut imaluunniit nipisanniarsinnaanermut akuersissummik aalisagaqatigiinnut pineqartunut nalunaarummi piumasaqaatit malillugit tunniussisoqassaaq.

**§ 2.** Nalunaarummi matumani ”usitussutsimut killigititaq” ima paasineqassaaq, usitussuseq angallatip uuttuutaani allaqqasoq, uuttueriaaseq pillugu malittarisassat suut tunngavigalugit uuttuummi allaqqasup suliarineqarsimanera apeqqutaatinnagu.

*Imm. 2* ”Ukiumi siuliani” ima paasineqassaaq; ukiup akuersissummik qinnuteqarfiusup aallartiffissaa sioqqullugu ukioq.

*Imm. 3* "Akuersissutip pissuseqataa" ima paasineqassaaq angallammut taama ittumut tassunga, nunap immikkoortuani aamma tassunga, akuersissummullu aamma taama ittumut akuersissut.

*Imm. 4.* "Umiatsiaaqqanik" ima paasineqassaaq angallat sunaluunniit 6 meterit (l.o.a.) sinnerlugit imaluunniit taakku ataallugit takissutilik aalisarnermut atorneqartoq.

*Piffissaa killilerlugu aalisarsinnaanermut akuersissut pisassat annertunerpaaffilerlugit*

**§ 3** Piffissaa killilerlugu aalisarsinnaanermut akuersissut, tassunga pisassat annertunerpaaffilerneqarsimatillugit inuussutissarsiutigalugu aalisarnissamut piumasagaataavoq:

- 1) angallatit 75 BRT imaluunniit 120 BT-tut angitigisut anginerusullu atorlugit, angallatit 6 meterit tamakkiisumik takissusillit (l.o.a) atorlugit raajarniarneq sinerissamullu qanittumi qaleralinniartut minillugit,
- 2) uiluinniarnermi, angallatit angissusaat apequtaatinnagit aamma
- 3) aalisarneq pillugu oqartussaaffinni nunat allat imaluunniit nunarsuup immikkoortuini aalisarneq pillugu suleqatigiiffiit aalisarnermik killilersuisinnaanermut pisinnaatitaaffigisaanni angallatit Kalaallit Nunaanni nalunaarsorneqarsimasut atorlugit aalisarnermi.

*Imm. 2.* Piffissaa killilerlugu aalisarsinnaanermut akuersissut, tassunga pisassat annertunerpaaffilerneqarsimatillugit, taamatutaaq nunat tamalaat imartaanni malittarisassaqartitsiviunngitsuni inuussutissarsiutigalugu aalisarnissamut piumasagaataavoq.

*Imm. 3.* Akuersissummik tunniussinermi aalisagaqatigiinnut pisassiissutinik aalajangersaanermi pineqartunik naliliinermik, qinnuteqartut tamarmiusut amerlassusiinik Naalakkersuisullu agguaassinermi piumasagaataanik tunngaveqassaaq.

*Imm. 4* Akuersissut ukiut ataasiakkaarlugit tunniunneqartassaaq. Siunnersuineq ukiunut arlalinnut atuuppat aalisarsinnaanermut akuersissummik ukiunut arlalinnut atuuttumik tunniussisoqarsinnaavoq.

*Piffissaa killilerlugu aalisarsinnaanermut akuersissut pisassat annertunerpaaffilernagit*

**§ 4.** Piffissaa killilerlugu pisassat annertunerpaaffilernagit aalisarsinnaanermut akuersissuteqarnissaaq ukuninnga inuussutissarsiutigalugu aalisarnermi piumasagaataavoq:

- 1) aalisagaqatigiinnik, angallatinit Kalaallit Nunaanni nalunaarsorneqarsimasunit ataatsimoorullugu aalisarneqarsinnaasunik pisassiisoqartillugu aalisarnermi,
- 2) immikkut pisoqarnerani biologit siunnersuinerat pisassiissutinik aalajangiinissamik kinguneqartussaatinngagu angallatit Kalaallit Nunaanni nalunaarsorneqarsimasut atorlugit aalisarnermi, aamma
- 3) angallatit nunanit allaneersut atorlugit Kalaallit Nunaata aalisarnikkut oqartussaaffigisaani aalisarnermi, aalisakkanik pisassiissutit nunap erfalasoqarfiusup pineqartup angallataanit ataatsimoorullugit aalisarneqarsinnaatillugit.

*Imm. 2.* § 4, imm. 1, nr. 1-2 naapertorlugit akuersissummik tunniussineq piumasaqaatit § 8-mi aalajangersarneqarsimasut tunngavigalugit pisassaaq.

*Imm. 3.* § 4, imm. 1, nr. 3 naapertorlugu akuersissummik tunniussineq nunat tamalaat isumaqatigiissutaat tunngavigalugit pisassaaq.

*Imm. 4.* Akuersissut ukiut ataasiakkaarlugit tunniunneqartassaaq. Siunnersuineq ukiunut arlalinnut atuuppat aalisarsinnaanermut akuersissummik ukiunut arlalinnut atuuttumik tunniussisoqarsinnaavoq.

**§ 5.** Umiatsiaaqqat 6 meteritut tamakkiisumik takissusillit mikinerusulluunniit atorlugit inuussutissarsiutigalugu aalisarnermi piffissaa killilerlugu pisassat annertunerpaaffilerlugit aalisarsinnaanermut akuersissummik peqarnissaq piumasaqaataavoq.

*Imm. 2* Nalunaarut manna malillugu akuersissutinik makkuninnga tunniussisoqarsinnaavoq.

- 1) Qeqertarsuup Tunuata, Uummannami, Upernaviullu aqutsiveqarfiini umiatsiaaqqamik qaleralinniarsinnaanermut akuersissut.
- 2) Nuup aqutsiveqarfiani umiatsiaararsorluni qaleralinniarnissamut akuersissut, aamma tak. imm. 6.
- 3) Kalaallit Nunaata sinnerani aqutsiveqarfinni umiatsiaararsorluni qaleralinniarnissamut akuersissut, aamma tak. imm. 6.

*Imm. 3.* Imm. 2, nr. 1 naapertorlugu immikkut akuersissummik pigisalik imm. 2, nr. 2 imaluunniit imm. 2, nr. 3 naapertorlugit qaleralinniarnissamut akuersissummik tunineqarsinnaanngilaq.

*Imm. 4.* Imm. 2, nr. 2 naapertorlugu akuersissummik tunineqarsimasoq imm. 2, nr. 1 imaluunniit imm. 2, nr. 3 naapertorlugu akuersissummik tunineqarsinnaanngilaq.

*Imm. 5.* Imm. 2, nr. 3 naapertorlugu immikkut akuersissummik tunineqarsimasoq imm. 2, nr. 1 imaluunniit imm. 2, nr. 2 naapertorlugu akuersissummik tunineqarsinnaanngilaq.

*Imm. 6.* Imm. 2, nr. 2 aamma imm. 2, nr. 3 naapertorlugit qaleralinniarnissamut akuersissummik tunniussinermi aamma saarullinniarnissamut akuersissummik tunniussisoqassaaq.

*Imm. 7.* Imm. 1 aamma imm. 2 naapertorlugu aalisarsinnaanermut akuersissummik tunniussineq pisarpoq § 8-mi piumasaqaatit aalajangersarneqarsimasut tunngavigalugit.

*Imm. 8.* naapertorlugu aalisarsinnaanermut akuersissut ukiut ataasiakkaarlugit tunniunneqartassaaq. Siunnersuineq ukiunut arlalinnut atuuppat aalisarsinnaanermut akuersissummik ukiunut arlalinnut atuuttumik tunniussisoqarsinnaavoq.

*Piffissaa killiligaanngitsumik akuersissut pisarineqarsinnaasut annertunerpaaffilerlugit*

**§ 6.** Angallatit 6 meter sinnerlugu tamakkiisumik takissusillit atorlugit raajarniarnermi sinerissamullu qanittumi qaleralinniarnermi piffissaa killilernagu pisassat annertunerpaaffilerlugit akuersissummik peqarnissaq piumasaqaataavoq.

*Imm. 2.* Piginnittup pisassiissutinit pigisai aalisarsinnaanermut akuersissummi allaqqasarput. Pisassiissutinit pigisat tassaapput pisassiissutit tamarmiusut imartami

pisassiiffiusumi aalisagaqatigiinnik pineqartunik Naalackersuisut aalajangersarsimasaasa procentinngorlugit ilaat.

*Imm. 3.* Piffissaa killilernagu aalisarsinnaanermut akuersissummut atatillugu ukiut tamaasa ukioq pisassiiffiusoq aallartitsinnagu ukiumoortumik pisassiissutit pillugit nalunaarut tunniunneqassaaq, ukiumi pineqartumi annertussutsit tunisassiornissamullu akuersissutaajunnartut nalunaarlugit.

**§ 7.** Raajarniarnermi qaleralinniarnermilu aalisariutaatileqatigiiffik ukiumoortumik pisassiissutinik tamakkerlugit aalisarsimasoq qinnuteqartoqarneratigut 15. novembarip kingornatigut ukiumi pineqartumi aalisarnermik ingerlatitseqqinnissaminut akuerineqarsinnaavoq. Ukiumoortumik pisassiissutit saniatigut pisarineqartut annertussusii ukiup tulliani aalisariutaatileqatigiiffimmut ukiumoortumik pisassiissutigineqartunit ilanngaatigineqassapput.

*Imm. 2.* Raajarniarnermi qaleralinniarnermilu aalisariutaatileqatigiiffiup ukiumoortumik pisassiissutinik tamakkerlugit aalisarsimanngitsup qinnuteqartoqarneratigut ukiup siuliani pisarineqanngitsut amerlaqataannik ukiup tulliani ukiumoortumik pisassiissutit amerlineqarnissaannik akuerineqarsinnaavoq. Pisassiissutit nuunneqartut kingusinnerpaamik 30. april raajanut

aamma kingusinnerpaamik 1. juli qaleralinnut pisassiissutit pisarineqareersimassapput.

*Imm. 3.* Imm. 1 malillugu qinnuteqaat Aalisarnermut, Piniarnermut Nunalerinermullu Naalackersuisoqarfimmut nassiunneqassaaq. Qinnuteqaat aalisarnerup nangeqqikkusunneqarnera pillugu, takuuk imm 1, kingusinnerpaamik sapaatit akunneri marluk sioqqullugit Naalackersuisoqarfimmut tunniunneqareersimassaaq.

*Imm. 4.* Imm. 1 naapertorlugu qinnuteqaat pisassatut kissaatigineqartut annertussusilerneqarnerannik imaqassaaq.

*Sinerissamut qanittumi aalisarnermi aalisarsinnaanermut akuersissutinik tunniussisarneq*

**§ 8.** § 4, imm. 1, nr. 1-2 aamma § 5 naapertorlugit qinnuteqartunut, ukiup siuliani assinganik aalisarsinnaanermut akuersissuteqarsimasunut tunniunneqassaaq, tak. § 9.

**§ 9.** Qinnuteqareernikkut § 8-mi piumasqaammit immikkut akuersissut qinnuteqartunut makkununga Aalisarnermut Piniarnermullu Naalackersuisoqarfiup nalunaarutigisinnaavaa:  
1) Qinnuteqartunut inuusuttunut 18-it 29-llu akornanni ukioqartunut imaani aalisarnermut ilinniagaqarsimasunut, Aalisarnermut Piniarnermullu Ilinniarfimmi ilinniarsimasunut imaluunniit allatut taamatut assingusumik ilinniartinneqarsimasunut. Qinnuteqartoq allatigut assingusumik inuussutissarsiortuusimanerminut innersuussippat , tamanna ukuninnga uppersarneqassaaq:

- a) Kommuni najugarisaq.
- b) Kattuffik attuumassuteqartoq.
- c) Inuk qinnuteqartup aalisaqatigisimasaa.

Immikkut akuersisoqarnissaanut tunngaviuvoq pineqartup inuussutissarsiutigalugu angallateeraqarnissaa aammalu pisariaqartinneqartunik atortoqarnissaa. Qinnuteqaat Aalisarnermut, Piniarnermut Nunalerinermullu Naalackersuisoqarfimmut nassiunneqassaaq. Imaani aalisarnermut ilinniarsimanermut aamma Aalisarnermut Piniarnermullu Ilinniarfimmi ilinniarsimanermut imaluunniit uppersarsaat alla uppersarsaatit ilanngussatut ilanngunneqassapput. Immikkut akuersissuteqarnermi pineqartup najugaqarfianut atuuttumik akuersissummik tunniussisoqassaaq.

2) Qinnuteqaateqartut piffissami 1. marts 2012 aamma 4. juni 2015-imi inuussutissarsiutigalugu aalisarsinnaatitaasut taamatullu ingerlatsisimasut, umiarnini, napparsimanini ilinniarniniluunniit imaluunniit tunitsivissaqaannginnini pequtigalugit aalisarunnaarsimasoq ima kinguneqarluni umiatsiaararsorluni inuussutissarsiutigalugu aalisarnissamut akuersissummik pisinnaatitaanngitsoq.

*Imm. 2.* Aammattaaq soorlu nunap ilaani Qaanaameersunut, Tunumeersunut Kujataaneersunullu qinnuteqartunut tunngatillugu suliaasaqarnissamut periarfissaqaanngitsutut naliliisoqarpat, immikkut akuersissummik tuniniarlugit Aalisarnermut Piniarnermut Nunalerinermullu Naalackersuisoqarfiup nalunaarutigisinnaavaa. Immikkut ittumik akuersissummik qinnuteqaatit Aalisarnermut Piniarnermullu Naalackersuisoqarfimmut nassiunneqassapput.

*Imm. 3.* *Imm. 1, nr. 2* naapertorlugu qinnuteqartup uppersarsassavaa piffissami 1. marts 2012-imi aamma 4. juni 2015-imi inuussutissarsiutigalugu aalisarnermik ingerlataqarsinnaasimalluni, qinnuteqartup taassuminnga atuisimalluni kiisalu umiarnini, napparsimanini ilinniarniniluunniit imaluunniit tunitsivissaaleqinini pequtigalugit umiatsiaararsorluni inuussutissarsiutigalugu aalisarsinnaatitaanini annaasimappagu. Immikkut ittumik akuersissummik qinnuteqaatit uppersarsaatillu Aalisarnermut Piniarnermullu Naalackersuisoqarfimmut nassiunneqassapput.

*Imm. 4.* Aalisarnermut Piniarnermullu Naalackersuisoqarfiup § 9, imm. 1-3-imi naliliiniarnermut atugassamik, akuersissuteqareernikkut, qinnuteqartup kommunimi najugaanit najukkamilu aalisartut piniartullu peqatigiiffiannit paasissutissat pisariaqartut pissarsiarissavai.

#### *Inuussutissarsiutigalugu misileraalluni aalisarsinnaanermut akuersissut*

**§ 10.** Inuussutissarsiutigalugu misileraalluni aalisarsinnaanermut akuersissummik qinnuteqaat Aalisarnermut, Piniarnermut Nunalerinermullu Naalackersuisoqarfimmut tunniunneqassaaq. Qinnuteqarnissamut immersugassaq [naalackersuisut.gl](http://naalackersuisut.gl)-imi pissarsiarineqarsinnaavoq.

*Imm. 2.* Akuersissut qinnuteqaatinik ataasiakkaanik aalajangersimasumik nalilersuereernikkut akuersissut tunniunneqassaaq, tassani piumasaqaatit makkua pingaartinneqassallutik:

- 1) Qinnuteqaateqartoq pisariaqartinneqartunik piginnaaneqarnersoq.
- 2) Qinnuteqaateqartoq inuussutissarsiutigalugu misileraalluni aalisarnissaminut naleqquttumik angallateqarnersoq aamma pisariaqartinneqartunik

atortussaqaqarnersoq, taamaalilluni siunertarineqartoq sapinngisamik pitsaanerpaamik naammassineqarniassammat.

- 3) Aalisakkanut qinnuteqaatigineqartunut atorineqartussat inuussutissarsiutigalugu misileraalluni aalisarneq naammassisinnaaneraat. Qinnuteqaateqartup angallataa piginnittoqarnermigut Kalaallit Nunaanni angerlarsimaffeqarnersoq.
- 4) Aalisakkat pineqartut, imartap pineqartup, atortulersuutit teknologiillu misissuiffigineqarnissaat ilumut pisariaqartinneqarnersoq.

*Imm. 3.* Inuussutissarsiutigalugu misileraalluni aalisarnissamut akuersissutip piffissaa killiligaavoq pisarineqarsinnaasullu annertunerpaaffissaligaanerannik ilaqlarluni.

*Imm. 4.* Akuersissut ukiut ataasiakkaarlugit tunniunneqartassaaq.

**§ 11.** Aalisarnermut Piniarnermut Nunalerinermullu Naalackersuisoqarfik aalisagaqatigiinnik pisassiissutigineqanngitsunik inuussutissarsiutigalugu misileraalluni aalisarnissamut akuersissuteqarsinnaavoq.

*Imm. 2.* Aalisagaqatigiinnut pisassiissutaareersunut inuussutissarsiutigalugu misileraalluni aalisarnissamut, Aalisarnermut, Piniarnermut Nunalerinermullu Naalackersuisoqarfik Pinngortitaleriffik isumasioqatigalugu tamatumunnga pisariaqartitsisoqartoq isumaqarpat kiisalu pinngortitami ataqatigiinneq eqqarsaatigineqarpat immikkut akuersissummik tunisisoqarsinnaavoq.

**§ 12.** Qinnuteqaateqartut Aalisarnermut Piniarnermullu Naalackersuisoqarfimmit akuersissutillit inuussutissarsiutigalugu misileraalluni aalisarnerup ingerlanneqarnissaanut nunat allamiut angallataat attartorsinnaavaat, kalaallit angallataanni atortussat pisariaqartinneqartut imaluunniit teknologi pisariaqartinneqartoq pigineqanngippata.

#### *Tamanut tunngatillugu aalajangersakkat*

**§ 13** Umiatsiaaqqamik sinerissap qanittuani aalisarsinnaanermut akuersissummik qinnuteqaat qinnuteqartup kommunimi najugaani kommunalbestyrelsimut tunniunneqassaaq. Qinnuteqarnissamut immersugassaq Kalallit Nunaanni Inuussutissarsiorneq pillugu nittartakkakut iserfissiami pissarsiarineqarsinnaavoq.

*Imm. 2.* Angallatinut 6 meterit l.o.a. sinnerlugit takissusilinnut aalisarsinnaanermut qinnuteqaat Aalisarnermut, Piniarnermut Nunalerinermullu Naalackersuisoqarfimmut tunniunneqassaaq. Qinnuteqarnissamut immersugassaq Kalallit Nunaanni Inuussutissarsiorneq pillugu nittartakkakut iserfissiami pissarsiarineqarsinnaavoq.

*Imm. 3.* Avataasiorluni aalisarnissamut akuersissummik qinnuteqaat Aalisarnermut, Piniarnermut Nunalerinermullu Naalackersuisoqarfimmut tunniunneqassaaq. Qinnuteqarnissamut immersugassaq Kalallit Nunaanni Inuussutissarsiorneq pillugu nittartakkakut iserfissiami pissarsiarineqarsinnaavoq.

**§ 14.** Aalisarsinnaanermut akuersissut taassumaluunniit assilineqarnera aalisarnerup nalaani angallammiitinnegassaaq.

Taamatutaaq ukiumoortumik pisassiissutunik nalunaarut taassumaluunniit assilineqarnera aalisarnerup nalaani angallammiitinneqassaaq.

**§ 15.** Akuersissut piginnittumut aalajangersimasumut ataatsimut tunniunneqartarpoq aammalu angallat angallatilluunniit aalisarnermut atorneqartussat allassimassallutik.

§ 6, imm. 1 naapertorlugu piffissaa killilernagu aalisarsinnaanermut akuersissummut atatillugu ukiumoortumik pisassiissutunik nalunaarummi angallatit allassimassapput.

*Imm. 2.* Aalisarnek taamaallaat angallatinik aalisarsinnaanermut akuersissutini allanneqarsimasunik ingerlanneqarsinnaavoq. § 6-imi, imm. 1 naapertorlugu piffissaa killilernagu aalisarsinnaanermut akuersissummut atatillugu aalisarnek taamaallaat akuersissummi imaluunniit ukiumoortumik pisassiissutunik nalunaarummi angallatinit allassimasunit ingerlanneqarsinnaavoq.

*Imm. 3.* Taamaattoq ATV, qimussit qamuteralaalluunniit aalajangersakkamit imm. 2-miit ilaatinneqanngillat inuussutissarsiutigalugulu aalisarnermi atorneqarsinnaallutik.

*Imm. 4.* Angallatinik 6 meterit l.o.a. sinnerlugit takissusilinnik inuussutissarsiutigalugu aalisarsinnaanermut akuersissuteqarluni aalisarnermi, umiatsiaaqqat atorneqassanngillat. Imm. 1-imi inerteqqut bundgarnersorluni imaluunniit nipisannik inuussutissarsiutigalugu aalisarnermi atuutsinneqanngilaq.

*Imm. 5.* Umiatsiaaqqanik inuussutissarsiutigalugu aalisarsinnaanermut akuersissuteqarluni aalisarnermi, angallatit 6 meterit l.o.a. sinnerlugit takissusillit atorneqassanngillat.

*Imm. 6.* Akuersissummi allanguutit, tassunga ilanngullugit piginnittuunermi pissutsit allangorneri, Aalisarnermut, Piniarnermut Nunalerinermullu Naalakkersuisoqarfimmit akuersissutigineqassapput.

**§ 16.** Inuk sinerissap qanittuani aalisarnissamut angallammut 6 meter taannaluunniit inorlugu tamakkiisumik takissusilimmut akuersissummik peqaatigaluni sinerissap qanittuani aalisarnissamut angallammut 6 meter sinnerlugu tamakkiisumik takissusilimmut aalisarsinnaanermut akuersissutunik pigisaqarsinnaanngilaq.

*Imm. 2.* Angallat 6 meter sinnerlugu tamakkiisumik takissusilik motooriarsimanerup, amutsivimmiinnerup sikuunerataluunniit kinguneranik ingerlanngippat, angallammut tassunga akuersissummik piginnittoq, piffissami angallatip motooriarsimanerani, amutsivimmiinnerani sikuuneraniluunniit, angallammik tamakkiisumik 6 meterimik tassanngaluunniit mikinermik atuisinnaavoq. Tunisinermi pisat annertussusiat ukiumut pisassiissutinit ilanngaaticineqartassaaq.

**§ 17.** Angallatit 5 BRT-imit anginerusut inuussutissarsiutigalugu aalisarnermut atorneqartussat Aalisarnermut, Piniarnermut Nunalerinermullu Naalakkersuisoqarfimmit akuersissutigineqartassapput.

*Imm. 2.* Aalisarnermut, Piniarnermut Nunalerinermullu Naalakkersuisoqarfiup angallatit taamaallaat akuerisinnaavai:

1) piginnittuunermut pissutsit tamanna pillugu aalisarnermut inatsimmi aalajangersakkanut naapertuuppata, aamma

2) angallatip aalisarsinnaassusia aalisarnissamik periarfissanut atuuttunut naleqqussagaasutut nalilerneqarpat.

*Imm. 3.* Akuerineqarnissamik qinnuteqaat allaganngorlugu Aalisarnermut, Piniarnermut Nunalerinermullu Naalakkersuisoqarfimmut nassiunneqassaaq.

*Imm. 4.* Naalagaaffimmi sumi angerlarsimaffeqarnermut uppernarsaatip aammalu usitussutsimut uuttuutip assilinerat qinnuteqaammut ilanngullugit nassiunneqassapput. Angallat nutaamik uuttorneqarsimappat, motooria pingaarneq taarserneqarsimappat imaluunniit annertuumik allannguuteqarsimappat usitussutsimut uuttuut nutaaq Aalisarnermut Piniarnermut Nunalerinermullu Naalakkersuisoqarfimmut nassiunneqassaaq.

*Imm. 5.* Allamik piginnittoqalersimappat, atermik allannguisoqarsimappat imaluunniit GR-normu allanngortinneqarsimappat, Naalagaaffimmi sumi angerlarsimaffeqarnermut uppernarsaat nutaaq Aalisarnermut Piniarnermut Nunalerinermullu Naalakkersuisoqarfimmut nassiunneqassaaq.

**§ 18** Kinaluunniit Kalaallit Nunaata aalisarnikkut oqartussaaffiata avataani inuussutissarsiuugalugu aalisarsinnaanermut akuersissummik pigisaqartoq, takuuk § 3, imm. 1, nr. 3, nunat tamalaat akornanni aalisarneq pillugu isumaqatigiissutinik aalajangersakkanillu malinninnissamut pisussaaffeqarpoq.

*Imm. 2* Isumaqatigiissuteqarfiusuni aalisarnermi angallat nunat tamalaat isumaqatigiissutaat imaluunniit isumaqatigiissut naapertorlugit misissuiffigineqartussaavoq pineqaatissinneqarlunilu.

#### *Pineqaatissiissutaasinnaasut*

**§ 19.** § 1, imm. 3 aamma 4, § 3, imm. 1 aamma 2, § 4, imm. 1, § 5, imm. 1, § 6, imm. 1, § 14, § 15, imm. 2 - 4, § 17, imm. 1, § 17, imm. 4, 2 imm., § 17, imm. 5, aamma § 18-*imik*, unioqquutitsineq Kalaallit Nunaanni Pinerluttulerineq pillugu Inatsimmi malittarisassat malillugit akiliisitsinermik aamma arsaarinninnermik pineqaatissiisoqarsinnaavoq. Akuersissuteqarnermut atugassarititaasunik sumiginnaaneq taamatuttaaq akiliisitsinermik pineqaatissiissutigineqarsinnaavoq.

*Imm. 2.* Imm. 1 malillugu akiligassiinissamik imaluunniit arsaarinnittoqarnissaanik aalajangiineq pinerluttulerinermut inatsimmi malittarisassat malillugit inatsisilerinermi immikkoortunut inuttut isigineqarsinnaasunut aamma atuuppoq.

*Imm. 3.* Imm. 1-2 malillugit eqqartuussivimmut suliakkiissutit Kalaallit Nunaanni Eqqartuussivimmut siullertut tunniunneqassapput.

*Imm. 4.* Akiliisitsissutit imm. 1-2 malillugit pineqaatissiissutigineqartut Nunatta Karsianut pisassanngortinneqassapput.

#### *Atortuulerfia*

**§ 20.** Nalunaarut ulloq 1. januar 2019-mi atortuulissaaq.



*Imm. 2. Peqatigitillugu Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr. 8, 8. april 2016-imeersoq atuukkunnaarsinneqarpoq.*

*Namminersorlutik Oqartussat, ulloq xx.xx. 2018*

Nikkulaat Jeremiassen

/

Jørgen Isak Olsen